



初唐第五十四

唐詩紀五十四

鄆郡吳瑄彙編

江都陸弼同校

張九齡

三

五言律詩

奉和聖製經孔子舊宅

孔丘

一作丘

門太山下不見登封時徒有先生法今為

明主思恩加萬乘幸禮致一牢祠舊宅千年外光

華空在茲

詩已

初唐詩紀卷之五十四

一

言系
奉和聖製次瓊嶽韻

山祇亦望幸雲雨見靈心嶽館逢朝霽關門解宿
陰咸京天上近清渭日邊臨我武因冬狩何言是
卽禽

奉和聖製送李尚書入蜀

眷言感忠義何有間山川徇節今如此離情空復
然皇心在勤恤德澤委昭宣周月成功後明年或
勞還

奉和聖製初出洛城

東土淹龍駕西人望翠華山川祇詢物宮觀豈爲
家十月迴星一作星迴斗千官捧日一作日捧車洛陽無怨
思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京
同後殿函關盡前旌關塞通行看洛陽陌光景麗
天中

勅賜寧王池宴

賢王有池館明主賜春遊淑氣林間發恩光水上

浮徒慚

一作參

和鼎地終謝巨

一作濟

川舟皇澤空如

此輕生莫可酬

天津橋東旬宴得歌字韻

清洛象天河東流形勝多朝來逢宴喜春盡却妍

和泉鮪歡時躍林鶯醉後

一作裏

歌賜恩頻若此為

樂奈人何

上陽水牕旬宴得移字韻

河漢非應到汀洲忽在斯仍逢帝樂下如逐海槎

窺春賞時將換皇恩歲不移今朝遊宴所莫比天

泉池

折楊柳

纖纖折楊柳持此寄情人一枝何足貴憐是故園

春遲景那能久芳菲不及新更愁征戍客容鬢老

邊塵

剪綵

姹女矜容色為花不讓春既爭芳意早誰待物華

真葉作參差發枝從點綴新自然無限態長在艷

陽晨

一作人

和崔黃門寓直夜聽蟬之作

蟬嘶玉樹枝向夕惠風吹幸入連宵聽應緣飲露
知思深秋欲近聲靜夜相宜不是黃金飾清香徒
爾爲

和姚令公從幸溫湯喜雪

萬乘飛黃馬千金狐白裘正逢銀霰積如向玉京
遊瑞色鋪馳道花文拂綵旒還聞吉甫頌不共郢
歌儔

立春日晨起對積雪

忽對林亭雪瑤華處處開今年迎氣始昨夜伴春
迴玉潤窓前竹花繁院裏梅東郊齋祭所應見五
神來

三月三日申王園亭宴集

稽亭追往事睢苑勝前聞飛閣凌芳樹華池落綵
雲藉草人畱酌銜花鳥赴羣向來同賞處惟恨碧
林曛

三月三日登龍山

伊川與灞津今日被除人豈似龍山上還同湘水

濱衰顏憂更老淑景望非春
襖飲豈吾事聊將
俗塵

和王司馬折梅寄京邑昆弟

離別念同嬉芬榮欲共持
獨攀南國樹遙寄北風
時林惜迎春早花愁去日遲還
一作仍聞折梅處更有
棣華詩

晚霽登王六東閣

試上江樓望初逢山雨晴
連空青嶂合向晚白雲
生彼美要殊觀蕭條見遠情
一作晴情來不可極日

暮水流清

蘇侍郎紫薇庭各賦一物得芍藥

仙禁生紅藥微芳不自持
幸因清切地還遇艷陽
時名見桐君錄香聞鄭國詩
孤根若可用非直愛
華滋

和黃門盧侍御詠竹

清切紫庭垂葳蕤防露枝色無玄月變聲有惠風
吹高節人相重虚心世所知
鳳皇佳可食一去一來儀

和韋尚書答梓州兄南亭宴集

棠棣聞餘興烏衣有舊遊
門前杜城陌池上曲江
流暇日嘗繁會清風詠
阻脩始知西峙嶽同氣
此相求

陸平原贈弟有子為東峙岳之句

答陳拾遺贈竹簪

與君嘗此志因物復知心
遺我鍾龍節非無玳瑁
簪幽素宜相重雕華豈
所任為君安首飾懷此代
兼金

贈澧陽韋明府

君有百鍊刃堪一作能斷七重犀
誰開太阿匣持割

武城雞竟與尚書佩遙應
天子提何時遇操宰一作柄
當使玉如泥

在洪州答綦毋學士

旬雨不愆期由來自若時
爾無言郡政吾豈欲天
欺常念消塵益惟歡草樹
滋課成非所擬人望在
東菑

酬王六霽後言懷見示

雲雨俱行罷江天已洞開
炎氛霽後滅邊緒望中

來作驥君垂耳爲魚我曝鳃更憐湘水賦還是洛陽才

酬王六寒朝見詒

賈生流寓日楊子寂寥時在物多相背唯君獨見思漁爲江上曲雪作郢中詞忽枉兼金訊長懷代木詩

林亭詠

穿築非求麗幽閒欲寄情偶懷因壤石真意在蓬瀛苔益山文古池添竹氣清從茲果蕭散無事亦

無營

晨出郡舍林下

晨興步北林蕭散一開襟復見林上月娟娟猶未沈片雲自孤遠叢篠亦清深無事由來貴方知物外心

園中時蔬盡皆鋤理唯秋蘭數本委而不顧彼雖一物有足悲者遂賦二章

場藿已成歲園葵亦向陽蘭時獨不偶露節漸無芳旨畧菁爲蓄甘非蔗有漿人多利一飽誰復惜

馨香

幸得不鋤去孤苗守舊根無心羨旨蓄豈欲近名
園遇賞寧充佩爲生莫礙門幽林芳意在非是爲
人論

林亭寓言

林居逢歲宴遇物使情多蘅蒨不時與芬榮柰汝
何更憐籬下菊無如松上蘿因依自有命非是隔
陽和

送使廣州

家在湘源任君今海嶠行經過正中道相送倍爲
情心逐書郵去形隨世網嬰因聲謝遠別緣義不
緣名

送姚評事入蜀各賦一物得卜肆

蜀巖化已久沈冥空所思嘗聞賣卜處猶憶下簾
時驅傳應經此懷賢儻問之歸來說往事歷歷偶
心期

送竇校書見餞得雲中辨江樹

江水天連色無涯淨野氛微明岸傍樹凌亂渚前

言終
雲舉棹形徐

一作隨

轉登

轉登艦意漸分渺茫從此去空

復惜離羣

餞王司馬入計同用洲字

元寮行上計舉餞出林丘忽望題輿遠空思解榻
遊別筵鋪柳岸征棹倚蘆洲獨歎湘江水朝宗向
北流

東湖臨泛餞王司馬

南土秋雖半東吳草未黃聊乘風日好來汎芰荷
香蘭棹無勞速菱歌不厭長忽懷京洛去難與共

清光

餞濟陰梁明府各探一物得荷葉

荷葉生幽渚芳華信在茲朝朝空此地采采欲因
誰但恐星霜改還將蒲稗衰懷君美人別聊以
取贈心期

餞陳學士還江南同用徵字

荷蓀旋江澳銜杯餞霸陵別前林鳥息歸處海煙
凝風土鄉情接雲山客念憑聖朝巖穴選應待鶴
書徵

通化門外送別

屢別容華改長愁意緒微義將私愛隔情與故人
歸薄宦無時賞勞生有事機離魂今夕夢先繞舊
林飛

送楊道士往天台

鬼谷還成道天台去學仙行應松子化留與世人
傳此地煙波遠何時羽駕旋當須一把袂城郭共
依然

送楊府李功曹

平生屬良友結綬望光輝何知人事拙相與宦情
非別路穿林盡征帆際海歸居然已多意况復兩
鄉違

送宛句趙少府

解巾行作吏樽酒謝離居脩竹含清景華池澹碧
虛地將幽興愜人與舊遊踈林下紛相送多逢長
者車

送韋城李少府

送客南昌尉離亭西候春野花看欲盡林鳥聽猶

新別酒青門路歸軒白馬津相知無遠近萬里尚
爲鄰

送蘇主簿赴偃師

我與文雄別胡然邑吏歸賢人安下位鷺鳥欲卑
飛激節輕華冕移官狗綵衣羨君行樂處從此拜
庭闈

送廣州周判官

海郡雄蠻落津亭北越臺城隅百雉映水曲萬家
開里樹桄榔出時禽翡翠來觀風猶未盡早晚使

車廻

郡江南上別孫侍御

雲嶂天涯盡川途海縣窮何言此地僻忽與故人
同身負邦君弩情紆御史驄王程不我駐離思逐
秋風

自豫章南還江上作

歸去南江水磷磷見底清轉逢空闊處聊洗滯留
情浦樹遙如待江鷗近若迎津途別有趣况乃濯
吾纓

道逢北使題贈京邑親知

征驂稍靡靡去國方遲遲路遶南登岸情搖北上
旗故人憐別日旅鴈逐歸時歲晏無芳草將何寄
所思

江上使風呈裴宣州耀卿

江路與天連風帆何淼然遙林浪出沒孤舫鳥聯
翩常愛千鈞重深思萬事捐報恩非徇祿還逐賈
人船

谿行寄王震

山氣朝來爽谿流日向清遠心何處愜閒棹此中
行叢桂林間待羣鷗水上迎徒然適我願幽獨為
誰情

將至岳陽有懷趙二

湘岸一作浦多深林青冥晝結陰獨無謝客賞况復
賈生心草色雖云發天光或未臨江潭非所遇為
爾白頭吟

使還湘水

歸舟宛何處正值楚江平夕逗煙村宿朝緣浦樹

行于役已彌歲言旋今愜情鄉郊尚千里流目夏
雲生

初發道中寄遠

日夜鄉山遠秋風復此時舊聞胡馬思今聽楚猿
悲念別朝昏苦懷歸歲月遲壯圖空不息常恐髮
如絲

自湘水南行

落日催行舫逶迤洲渚間雖云有物役乘此更休
間暝色生前浦清暉發近山中流澹容與唯愛鳥

飛還

初入湘中有喜

征鞍窮郢路歸棹入湘流望鳥唯貪疾聞猿亦罷
愁兩邊楓作岸數處橘爲洲却記從來意一作翻
疑夢裏遊

耒陽谿夜行

乘夕棹歸舟緣源路轉幽月明看嶺樹風靜聽谿
流嵐氣船間入霜華衣上浮猿聲雖此夜不是別
家愁

江上

長林何繚繞遠水復悠悠盡日餘無見為心那不
愁憶將親愛別行為主恩酬感激空如此芳時屢
已道

自彭蠡湖初入江

江岫殊空闊雲煙處處浮上來羣噪鳥中去獨行
舟牢落誰相顧逶迤日自愁更將心問影于役復
何求

赴使瀧峽

谿路日幽深寒空入兩嶽霜清百丈水風落萬重
林夕鳥聯歸翼秋猿斷去心別離多遠思况乃歲
方陰

湖口望廬山瀑布泉

萬丈洪

一作紅

泉落迢迢半紫氛奔飛下

一作流

雜樹

灑落出重雲日照虹蜺似天清風雨聞靈山多秀
色空水共氤氳

湏陽峽

行舟傍越岑窈窕越谿深水闇先秋冷山晴當晝

陰重林間五色對壁聳千尋惜此生遐遠誰知造化心

使至廣州

昔年嘗不調茲地亦遭迴本謂雙鳥少何知駟馬來人非漢使橐郡是越王臺去去雖殊事山川長在哉

春江晚景

江林皆秀發雲日復相鮮征路那逢此春一作心益渺然興來祗自得佳處莫能傳薄暮津亭下餘

花滿客船

與王六履震廣州津亭曉望

明發臨前渚寒一作潮來淨遠空水紋天上碧日氣海邊紅景物紛為異人情賴此同乘槎一作自有一作適非欲破長風

初發曲江谿中

谿流清且深松石復陰臨正爾可嘉處胡為無賞心我由不忍別物亦有緣侵自匪嘗行邁誰能知此音

旅宿淮陽亭口號

日暮荒亭上悠悠旅思多故鄉臨桂水今夜渺星
河暗草霜華發空亭鴈影過興來誰與晤勞者自
為歌

望月懷遠

海上生明月天涯共此時情人怨遙夜竟夕起相
思滅燭憐光滿披衣覺露滋不堪盈手贈還寢夢
佳期

秋夕望月

清迴江城月流光萬里同所思如夢裏相望在庭
中皎潔青苔露蕭條黃葉風含情不得語頻使桂
華空

詠燕

紀事云九齡為相與李林甫方同列陰欲中
傷之屢陳九齡頗懷誹謗于時方秋帝命高
力士持白團扇以賜將寄意焉九齡惶恐因
作賦以獻又為燕詩以貽林甫云云林甫覽
之知其必退
恚怒少解

海燕何微眇乘春亦暫來豈知泥滓賤祗見玉堂
開繡戶時雙入華軒日幾迴無心與物競鷹隼莫

相猜

故刑部李尚書荆谷山集會

嘗聞繼老聃身退道彌耽結宇倚青壁疏泉噴碧潭苔石隨人古煙花寄酒酣山光紛向夕歸興杜城南

戲題春意

一作江南守江林三四春相鳴不及鳥相樂喜關人日守朱絲直年催華髮新淮陽祗有卧持此度芳辰

庭梅詠

芳意何能早孤榮亦自危更憐花蒂弱不受歲寒移朝雪那相妬陰風已屢吹馨香雖尚爾飄蕩復誰知

聽箏

端居正無緒那復發秦箏纖指傳新意繁絃起怨情悠揚思欲絕掩抑態還生豈是聲能感人心自不平

初秋憶金均兩弟

詩已

初秋憶金均兩弟

三

江渚秋風至他鄉離別心孤雲愁自遠一葉感何
深憂喜嘗同城飛鳴忽異林青山西北望堪作白
頭吟

秋懷

感惜芳時換誰知客思懸憶隨鴻向煖愁學馬思
邊畱滯機還息紛拏網自牽東南起歸望何處是
江天

故刑部李尚書挽詞三首

仙宗出趙北相業起山東明德嘗爲禮嘉謀屢作

忠論經白虎殿獻賦甘泉宮與善今何在蒼生望
已空

宿昔三台踐榮華駟馬歸印從青瑣拜翰入紫宸
揮題劔恩方重藏舟事已非龍門不可望感激涕
沾衣

永歎常山寶沈埋京兆阡同盟會五月華表記千
年渺漫野中草微茫空裏煙共悲人事絕唯對杜
陵田

故徐州刺史贈吏部侍郎蘇公挽歌詞三

首

韋玄方繼相荀爽復齊名在貴兼天爵能賢

一作言

出世卿學聞金馬詔

一作縱

神見玉人清藏壑今如

此為山遂不成

相如只謝病子敬忽云亡豈悟瑤臺雪分彫玉樹

行清規留草議故事在封章本謂山公啓而今歿

始揚

返葬長安陌秋風簫鼓悲柰何相送者不是平生

時寒影催年急哀歌助晚遲寧知建旗罷丹旄向

京師

故榮陽君蘇氏挽歌詞三首

門緒公侯列嬪風詩禮行松蘿方有寄桃李忽無

成劍去雙龍別雛哀九鳳鳴何言嶧山樹還似半

心生

永歎芳魂斷行看草露滋二宗榮盛日千古別離

時竟罷生芻

一作香

贈空留畫扇悲容車候曉發何

歲是歸期

縞服紛相送玄扃翳不開更悲泉火滅徒見柳車

言系
夜唐卷之五十四
迴舊室容衣奠新塋拱樹栽唯應月照簞潘岳此
時哀

眉州康司馬挽歌詞

家受專門學人稱入室賢劉楨徒有氣管輅獨無
年謫去長沙國魂歸京兆阡從茲匣中劍埋沒罷
衝天

七言律詩

奉和聖製早發三鄉山行

羽衛森森西向秦山川歷歷在清晨晴雲稍卷寒

巖樹宿雨能

一作微

銷御路塵聖德由來合天道靈

符卽此應時巡遺賢一一皆羈致猶欲高深訪隱
淪

奉和聖製龍池篇

天啓神龍生碧泉泉水靈源浸迤延飛龍已向珠
潭出積水仍將銀漢連岸傍花柳看勝畫浦上樓
臺問是仙我后元符從此得方爲萬歲壽圖川

初唐第五十四

初唐第五十五

唐詩紀五十五

鄆郡吳瑄彙編

江都陸弼同校

張九齡 四

五言排律

奉和聖製南郊禮畢酺宴

配天昭聖業
率土慶輝光
春發三條路
酺開百戲場
流恩均庶品
縱觀聚康莊
妙舞來平樂
新聲出建章
分曹日抱戴
赴節鳳歸昌
奉奏承雲樂
同瞻

言
初唐卷之五十五
湛露陽氣和皆有感澤厚自無疆飽德君臣醉連
歌奉柏梁

奉和聖製早渡蒲津關

魏武中流處軒皇問道迴長堤春樹發高掌曙雲
開龍負王舟渡人占仙氣來河津會日月天仗役
風雷東顧重關盡西馳萬國陪還聞股肱郡元首
詠康哉

奉和聖製同二相南出雀鼠谷

設險諸侯地承平聖主巡東君朝二月南旆擁三

辰寒出重關盡年隨行漏新瑞雲叢捧日芳樹曲
迎春舞詠先馳道恩華及從臣汾川花鳥意併奉
屬車塵

奉和聖製經河上公廟

昔者河邊叟誰知隱與仙姓名終不識章句此空
傳跡爲坐忘晦言猶強著詮精靈竟何所祠宇獨
依然道在紆宸睠風行動睿篇從茲化天下清淨
復何先

奉和聖製送尚書燕國公赴朔方

宗臣事有征廟筭在休兵天與三台座人當萬里
 城朔南方偃革河右一作北甍揚旌寵錫從仙禁光
 華出漢京山川勤遠畧原隰軫皇情為奏薰琴唱
 仍題寶劍名聞風六郡伏計日五戎平山甫歸應
 疾留侯功復成歌鐘旋可望衽席豈難行四牡何
 時入吾君憶履聲

奉和聖製途經華山

萬乘華山下千巖雲漢中靈居雖宵密睿覽忽玄
 同日月臨高掌神仙仰大風攢峯勢岌岌翊輦氣
 雄雄揆物知幽贊銘勲表聖衷會應陪玉檢來此
 告成功

奉和聖製早登太行山率爾言志

孟月攝提貞乘時我后征晨嚴九折度暮戒六軍
 行日御馳中道風師卷太清戈鋌林表出組練雪
 間明動植希皇豫高深奉睿情陪遊七聖列望幸
 百神迎氣色煙猶喜恩光草尚榮之罍稱萬歲今
 此復同聲

奉和聖製登封禮畢洛城醮宴

大君畢能事端展樂成功運與千齡合歡將萬國
同漢酺歌聖酒韶樂舞薰風河洛榮光遍雲煙喜
氣通春華頓覺早天澤倍知崇草木皆沾被猶言
不在躬

恩賜樂遊園宴應制

寶筵延厚一作錫命供帳序羣公形勝宜春接威儀
建禮同晞陽人似露解愠物從風朝慶千齡始年
華二月中輝光遍草木和氣發絲桐歲歲無爲化
寧知樂九功

奉和聖製過王濬墓

漢王思鉅鹿晉將在弘農入蜀舉長筭平吳成大
功與渾雖不協歸皓實爲雄孤績淪千載流名感
聖衷萬乘度荒隴一顧凜生風古節猶不棄今人
爭効忠

奉和吏部崔尚書雨後大明朝堂望南山
迢遞終南頂朝朝闐闐前揭來青綺外高在翠微
先雙鳳蹇爲闕羣龍儼若仙還知到玄圃更是謁
甘泉夜雨塵初滅秋空月正懸詭容紛入望霽色

宛成妍東極華陰踐西彌嶠豕連奔峯出嶺外瀑
水落雲邊漢帝宮將苑商君陌與阡林華鋪近甸
煙靄遶晴川旣庶仁斯及分憂政已宣山公啓事
罷吉甫頌聲傳濟濟金門步洋洋玉樹篇徒歌雖
有屬清越豈同年

和崔尚書喜雨

積陽雖有晦經月未爲災上念人天重先祈雲漢
回仁心及草木號令起風雷照爛陰霞止交紛瑞
雨來三辰破黍稷四達屏氛埃池溜因添滿林芳

爲灑開聽中聲滴瀝望處影徘徊惠澤成豐歲昌
言發上才無論驗石鼓不是御雲臺直頌皇恩浹
崇朝遍九垓

和許給事中直夜簡諸公

未央鐘漏晚仙宇藹沈沈武衛千廬合嚴扃萬戶
深左掖知天近南窓見月臨樹搖金掌露庭徙玉
樓陰他日聞更直中宵屬所欽聲華大國寶夙夜
近臣心逸興乘高閣雄飛在禁林寧思竊抃者情
發爲知音

言系 和蘇侍郎小園夕霽寄諸弟

清風閶闔至軒蓋承明歸雲月愛秋景林堂開夜
扉何言兼濟日尚與宴私違興逐兼葭變文因棠
棣飛人倫用忠孝帝德已光輝贈弟今為貴方知
陸氏微

酬宋使君見贈之作

時來不自意宿昔謬樞衡翊聖負明主妨賢媿友
生罷歸猶右職待罪尚南荆政有留棠舊風因繼
組成一作清高軒一作軒車問疾苦蒸一作黎庶荷仁明衰

廢時所薄祗言僚故情

酬通事舍人寓直見示篇中兼起居陸舍

人景獻

軒掖殊清秘才華固在斯興因膏澤灑情與惠風
吹所美應人譽何私亦我儀同聲感喬木比翼謝
長離價以陸生減賢慙鮑叔知薄遊嘗獨愧芳訊
乃兼施此夜金閨籍伊人瓊樹枝飛鳴復何遠相
顧幸媿媿

與袁補闕尋蔡拾遺會此公出行後蔡有

五韻詩見贈以此篇答焉

轍迹陳家巷詩書孟子鄰偶來乘輿者不值草玄
人契是忘年合情非累日申聞君還薄暮見眷及
茲辰贈我如瓊玖將何報所親

酬趙二侍御使西軍贈兩省舊寮之作

石室先鳴者金門待制同操刀嘗願割持斧竟稱
雄應敵兵初起緣邊虜欲空使車經隴月征旆繞
河風忽枉兼金訊非徒秣馬功氣清一作蒲海曲
聲滿栢臺中顧已塵華省欣君震遠戎明時獨匪

報嘗欲退微躬

酬宋使君見貽

陟鄰初稟訓獻策幸逢時朝列且云忝君恩復若
茲庭闡際海曲輶傳荷天慈顧已歡烏烏聞君泣
素絲才明應主召福善豈神欺但願白心在終然
涅不淄

武司功初有幽庭春暄見詒夏首獲見以

詩報焉

芳月盡離居幽懷重起予雖言春事晚尚想物華

初遲日皦方照高齋澹復虛筭成林向密花落樹
應踈贈鯉情無間求鶯思有餘暄妍不相待含歎
欲焉如

酬王履震遊園林見貽

宅生惟海縣素業守郊園中覽霸王說上微明主
恩一行罷蘭逕數載歷金門既負潘生拙俄從周
任言逶迤戀軒陛蕭散反丘樊舊徑稀人跡前池
耗水痕併看芳樹老唯覺敝廬存自我棲幽谷逢
君翳覆盆孟軻應有命賈誼得無冤江上行傷遠

林間偶避喧地偏人事絕時霽鳥聲繁獨善心俱
閉窮居道共尊樂因南澗藻憂豈北堂萱幽意加
投漆新詩重贈軒平生徇知己窮達與君論

餞王尚書出邊

漢相推人傑殷宗伐鬼方還聞出將重坐見卽戎
良上策應爲豫中權且用光令申兵氣倍威愴

惜虜魂亡樹比公孫大城如道濟長夏雲登隴首

秋露泫遼陽武德舒宸睠文思餞樂章感恩身旣
許激節膽猶嘗祖帳傾朝列軍麾駐道傍詩人何

言終 初唐卷之五十五
所詠尚父欲鷹揚

送趙都護赴安西

將相有更踐簡心良獨難遠圖嘗盡地超拜乃登壇戎卽崑山序車同渤海單義無中國費情必遠人安他日文兼武而今粟且寬自然來月窟何用刺樓蘭南至三冬晚西馳萬里寒封侯自有處征馬去嘽嘽

奉使自藍田玉山南行

征驂入雲壑始憶步金門通籍微軀幸歸途明主

恩匪唯徇行役兼得慰晨昏是節暑云熾紛吾心所尊海縣且悠緬山郵日駿奔徒知惡囂事未暇息陰論曉武經陳迹衡湘指故園水聞南澗險煙望北林繁遠靄千巖合幽聲百籟喧陰泉夏猶凍陽景晝方暎懿此高深極徒令夢想存盛明期有報長往復奚言

賀給事嘗請蔡起居郊館有詩因命同作

記言聞直史築室面層阿豈不承明入終云幽意多沈冥高士致休澣故人過前嶺游氛滅中林芳

言系
氣和茲辰阻佳趣望美獨如何

南山下舊居閒放

祇役已云久乘閒返服初塊然屏塵事幽獨坐林
間清曠前山遠紛喧此地踈喬木凌青靄脩篁媚
綠渠耳和繡翼鳥目暢錦鱗魚寂寞心還閒一作閉
飄飄體自虛興來命旨酒臨罷閱仙書但樂多幽
意寧知有毀譽尚想爭名者誰云要路居都忘下
流歎傾奪竟何如

高齋閒望言懷

高齋復晴景延眺屬清秋風物動歸思煙林生遠
愁紛吾自窮海薄宦此中州取路無高足隨波適
下流歲華空冉冉心曲且悠悠坐惜芳時歇胡然
久滯留

別鄉人南還

橘柚南中煖桑榆北地陰何言榮落異因見別離
心吾亦江鄉子思歸夢寐深聞君去水宿結思渺
雲林牽綴從浮事遲迴謝所欽東南行舫遠秋浦
念猿吟

初發江陵有懷

極望涪陽浦江天渺不分扁舟從此去鷗鳥自爲
羣他日懷真賞中年負俗紛適來果微尚倏爾會
斯文復想金閨籍何如夢渚雲我行多勝寄浩思
獨氛氲

同綦毋學士月夜聞鴈

棲宿豈無意飛飛更遠尋長途未及半中夜有遺
音月思關山笛風號流水琴空聲兩相應幽感一
何深避繳歸南浦離羣叫北林聯翩俱不定憐爾

越鄉心

登總持寺閣

香閣起崔嵬高高沙版開攀躋千仞上紛詭萬形
來草間商君陌雲重漢后臺山從函谷斷川向斗
城迴林裏春容變天邊客思催登臨信爲美懷遠
獨悠哉

晚憇王少府東閣

披軒肆流覽雲壑見深重空水秋彌淨林煙晚更
濃坐隅分洞府簷際列羣峰窈窕生幽意參差多

詩經 卷之五十五
異容還慙大隱跡空想列仙蹤賴此昇攀處蕭條
得所從

登城樓望西山作

城樓枕南浦日夕顧西山宛宛鸞鶴處高高煙霧
間仙井今猶在洪厓久不還金編莫我授羽駕亦
難攀簷際千峯出一作雲中一鳥閒縱觀窮水國
游思徧人寰勿復塵埃事歸來且閉關

祠紫蓋山經玉泉山寺

指塗躋楚望策馬傍荆岑稍稍松篁入泠泠澗谷

深觀竒逐幽映歷險忘嶇嶽上界投佛影中天揚

梵音焚香懺在昔禮足誓來今靈異若有對神仙

其一作可尋高僧聞逝者遠一作絕俗是初心蘇駁

經行處猿啼燕坐林歸真已寂滅畱迹豈沈湮法

地自茲廣何云千萬金

且無責洪州西山祈雨是日輒應因賦詩言事

茲山蘊靈異走望良有歸丘禱雖一作已久忙心

難重違遲明申藻薦先夕旅巖扉獨宿雲峯下蕭

條人吏稀我來不外適幽抱自中微靜入風泉奏

涼生松栝圍窮年滯遠想寸晷閱清暉虛美悵無
屬素情絨所依詭隨嫌弱操羈束謝貞肥義濟亦
吾道誠存爲物祈靈心倏已應甘液幸而飛閉閣
且無責隨車安敢希多慙德不感知復是耶非

經江寧覽舊跡至玄武湖

南國更數世北湖方十洲天清華林苑日晏景陽

樓果下迴仙騎津傍駐綵旂一作旆鳧鷖喧鳳管荷

芰鬪一作龍舟七子陪詩賦千人和棹謳應言在

鎬樂不讓橫汾秋風俗因紆慢江山成易由駒王

信不武孫叔是無謀佳氣日將歇霸功誰與修桑
田東海變麋鹿姑蘇遊否運爭三國康時劣九州
山雖幕府在館豈豫章畱水淀還相關菱歌亦故
道雄圖不足問唯想事風流

登襄陽恨峴山

昔年亟攀踐征馬復來過信若山川舊誰如歲月
何蜀相吟安在羊公碣已磨令圖猶寂寞嘉會亦
蹉跎宛宛樊城岸悠悠漢水波逶迤春日遠感寄
客情多地本原林秀朝來煙景和同心不同賞畱

詩紀
初唐卷之五十五
十一
歎此巖阿

登荊州城樓

天宇何其曠江城坐自拘層樓百餘尺迢遞在西
隅暇日時登眺荒郊臨故都纍纍見陳迹寂寂想
雄圖古往山川在今來郡邑殊北疆雖入鄭東距
豈防吳幾代傳荆國當時敵陝鄂上流空有處中
土復何虞枕席夷三峽關梁豁五湖承平無異境
守隘莫論夫自罷金門籍來參竹使符端居向林
藪微尚在桑榆直似王陵戇非如甯武愚今茲對

南浦乘鴈與雙鳧

登樂遊原春望書懷

城隅有樂遊表裏見皇州策馬既長遠雲山亦悠
悠萬壑清光滿千門喜氣浮花間直城路草際曲
江流憑眺茲爲美離居方獨愁已驚玄髮換空度
綠萋柔奮翼籠中鳥歸心海上鷗既傷日月逝且
欲桑榆收豹變焉能及鸞鳴非可求願言從所好
初服返林丘

候使登石頭驛樓作

言終
山檻憑高

一作南

望川途眇北流遠林天翠合前浦

日華浮萬井緣津渚千艘咽渡頭漁商多末事耕
稼少良疇自守陳蕃榻嘗登王粲樓徒然騁目處
豈是獲心遊向跡雖愚谷求名異盜丘息陰芳木
所空復越鄉憂

登臨沮樓

高深不可厭巡屬復來過本與衆山絕况茲韶景
和危樓入水倒飛檻向空摩雜樹緣青壁膠枝掛
綠蘿潭清能徹底魚樂好跳波有象言雖一作具

無端思轉多同懷不在此孤賞欲如何

陪王司馬登薛公逍遙臺

嘗聞薛公淚非直雍門琴竄逐留遺跡悲涼見此
心府中因暇豫江上幸招尋人事已成古風流獨
至今閒情多感歎清景暫登臨無復甘棠在空餘
蔓草深晴光送遠目勝氣入幽襟水去朝滄海春
來換碧林賦懷湘浦弔碑想漢川沈曾一作是陪遊日
徒爲梁甫吟

嘗與大理丞袁公太府丞田公偶詣一所

詩紀 初唐卷之五十五
林沼尤勝因並坐其次相得甚歡遂賦詩
焉以詠其事

方駕與吾友同懷不異尋偶逢池竹處便會江湖
心夏近林方密春餘水更深清華兩輝映閒步亦
窺臨蘋藻復佳色鳧鷖亦好音韶芳媚洲渚蕙氣
襲衣襟蕭散皆爲樂徘徊從所欽謂予成夙志歲
晚共抽簪

與弟遊家園

定省榮君賜來歸是晝遊林鳥飛舊里園果讓新

一作
秋枝長南庭樹池臨一作北澗流星霜屢爾
先一作別蘭麝爲誰幽善積家方慶恩深國未酬棲棲將
義動安得久情留

郡內閒齋

郡閣晝常掩庭蕪日復滋簷風落鳥毳窓葉掛蟲
絲拙病宦情少羈閒秋氣悲理人無異績爲郡但
經時唯有江湖意沈冥空在茲

城南隅山池春中田表二公盛稱其美夏
首獲賞果會夙言故有此詠

憶昨聞佳境駕言尋昔蹊非唯初物變亦與舊遊
睽幽渚爲君說清晨卽我携途深獨睥睨歷險共
攀躋林笋苞青籜津楊委綠萸荷香初出浦草色
復緣堤樂處將鷗狎譚端用馬齊且言臨海郡兼
話武陵谿異壤風煙絕空山巖徑迷如何際朝野
從此待金閨

西江夜行

遙夜人何在澄潭月裏行悠悠天宇曠切切故鄉
情外物寂無擾中流澹自清念歸林葉一作春服換愁

坐露華生猶有汀洲鶴宵分乍一鳴

南還湘水言懷

拙宦今何有勞歌念不成十年乖夙志一別悔前
行歸去田園老儻來軒冕輕江間稻正熟林裏桂
初榮魚意思在藻鹿心懷食苹時哉苟不達取樂
遂吾情

商洛山行懷古

園綺值秦末嘉遁此山阿陳迹向千古荒途始一
過碩人久淪謝喬木自森羅故事昔嘗覽遺風今

豈訛泌泉空活活樵叟獨皤皤是處清暉滿從中
幽興多長懷赤松意復憶紫芝歌避世辭軒冕逢
時解薜蘿盛明今在運吾道竟如何

南還以詩代書贈京師舊寮

薄宦晨昏闕尊

一作尊

義取斯窮愁年貌改寂茂

一作歷

爾胡爲不諂詞多忤無容禮益卑微生尚何

有遠跡固其宜思擾梁山曲情遙越鳥枝故園從
海上良友邈天涯雲雨歎一別川原勞載馳上慚
伯樂顧中負叔牙知去國誠寥落經途弊險巇歲

逢霜雪苦林屬蕙蘭萎欲贈幽芳歌行悲舊賞移
一從關作限兩見月成規冉冉窮年籥行行盡路
岐征鞍稅北渚歸帆指南垂樹晚猶葱蒨江寒尚
渺瀰土風從楚別山水入湘竒石瀨相奔觸煙林
更蔽虧層崖夾洞浦輕舸汎澄漪松篠行皆傍禽
魚動輒隨惜哉邊地隔不與故人窺疇昔陪鴛鷺
朝陽振羽儀來音雖寂寞接景每逶迤朝罷冥塵
事賓來話酒卮邀歡逐芳草結興選華池及此風
成歎何時霧可披自憐無用者誰念有情離望美

音容闊懷賢夢想疲因聲達霄漢持拙守東陂

初發道中贈王司馬兼寄諸公

昔歲嘗陳力中年退屏居承顏方弄鳥放性或觀
魚曾是安疵拙誠非議卷舒林園事益簡煙月賞
恒餘不意棲愚谷無階奉詔書湛恩均大造弱植
愧空虛肅命趨仙闕僑裝撫傳車念行開祖帳憐
別降題輿誰謂風期許叨延禮數殊義沾投分末
情及解携初追餞扶江介光輝燭里閭子雲應寂
寞公叔一作緒爲吹噓景物春來異音容日向踈川

原行稍穩鐘鼓聽猶徐林隔王公輦雲迷班氏廬
戀親唯委咽思德更躊躇徇義當由此懷安乃闕
如願酬明主惠行矣豈徒歎

自始興谿夜上赴嶺

嘗蓄名山意茲爲世網牽征途屢及此初服已非
然日落青巖際谿行綠篠邊去舟乘月後歸鳥息
人前數曲迷幽嶂連圻觸闇泉深林風緒結遙夜
客情懸非梗胡爲泛無膏亦自煎不知于役者相
樂在何年

當塗界寄裴宣州

故人宣城守亦在江南偏如何分虎竹相與聞山
川章綬胡爲者形骸非自然含情津渡闊倚望脰
空延遠近聞佳政平生仰大賢推心徒有屬會面
良無緣日夕遵前渚江村投暮煙念行秬意默懷
遠豈言宣委曲風波事難爲尺素傳

郡中每晨興輒見羣鶴東飛至暮又行列
而返哢唳雲路甚和樂焉予愧獨處江城
常目送此意有所羨遂賦以詩

雲間有數鶴撫翼意無違曉日東田去煙霄北渚
歸懽呼良自適羅列好相依遠集長江靜高翔衆
鳥稀豈煩僊子馭何畏野人機却念乘軒者拘留
不得飛

和裴侍中承恩拜掃旋轡途中有懷寄州
縣官寮鄉國親故

嵩嶽神惟降汾川鼎氣雄生才作霖雨繼代有清
通天下稱賢相朝端挹至公自家來佐國移孝入
爲忠霜露多前感丘園想舊風扈巡過晉北問俗

到河東便道恩華降還鄉禮教崇野樽延故老朝服見兒童關

和姚令公哭李尚書又

貴賤雖殊等平生竊下風雲泥勢已絕山海納還通忽歎登龍者翻將弔鶴同琴詩猶可託劔履獨成空疇昔嘗論禮興言每匪躬人思崔琰議朝掩祭遵公作善神何酷依仁命不融天文虛北斗人事罷南宮上宰既傷舊下流彌感衷無恩報國士徒欲問玄穹

五言絕句

奉和聖製經函谷關作

函谷雖云險黃河已復清聖心無所隔空此置關城

奉和聖製渡潼關口號

嶙嶙故城壘荒涼空戍樓在德不在險方知王道休

答太常靳博士見贈一絕

上苑春先入中園花盡開唯餘幽徑草尚待日光

言終
催
登荆州城望江二首

登荆州城望江二首

滔滔大江水天地相終始經閱幾世人復歎誰家

子

東望何悠悠西來晝夜流歲月既如此為心那不

愁

賦得自君之出矣

自君之出矣不復理殘機思君如滿月夜夜減清

輝

照鏡見白髮聯句

宿昔青雲志蹉跎白髮年誰知明鏡裏形影自相

憐

初唐第五十五

自

初唐第五十六

唐詩紀五十六

鄆郡吳瑄彙編

江都陸弼同校

王翰

新唐書云字子羽晉陽人少豪邁恃才及進士第然喜蒲酒張嘉貞張說為本州長史厚遇之舉直言極諫調昌樂尉後為駕部員外郎坐事貶道州司馬卒。張說評云王翰之文如瓊杯玉斝雖爛然可珍而多有玷闕

贈唐祖二子

鴻飛遵枉渚鹿鳴思故羣物情尚勞愛况乃予別君別時花始發別後蘭再薰瑤觴滋白露寶瑟凝

詩紀

初唐卷之五十六

一

涼氛襄徧北林月
悵望南山雲雲月
渺千里音徽不可聞

飛燕篇

孝成皇帝本嬌奢
行幸平陽公主家
可憐女兒三五許
芊芊惜是一園花
歌舞向一作由來時一作不貴
一旦逢君感君意
君心見賞不見忘
姊妹雙飛入紫房
紫房綵女不得見
專榮固寵昭陽殿
紅妝寶鏡珊瑚臺
青瑣銀簧雲母扇
日夕風傳歌舞聲
祇擾長信憂人情
長信憂人氣欲絕
君王歌吹終

不歇朝弄瓊簫下
綵雲夜踏金梯上
明月明月薄蝕陽
精昏嬌妬傾城人一作惑
至尊已見白虹橫
紫極復聞飛燕啄
皇孫皇孫不死燕
啄折女弟一朝如火
絕明明天子咸戒之
赫赫宗周褒姒滅
古來賢聖歎狐裘
一國荒淫萬國羞
安得上方斷馬劍
斬取朱門公子頭
飲馬長城窟行

長安少年無遠圖
一生惟羨執金吾
麒麟前殿拜天子
走馬西擊長城胡一作走馬為君西擊胡
胡沙獵獵吹

言終
人面漢虜相逢不相見遙聞鞀鼓動地來傳道單
于夜猶戰此時顧恩寧顧身為君一行催萬人壯
士揮戈迴白日單于濺血污一作朱輪迴
飲馬長城窟長城道傍多白骨問之耆老何代人
云是秦王築城卒黃昏塞北無人煙鬼哭啾啾聲
沸天無罪見誅功不賞孤魂流落此城邊當昔秦
王按劍起諸侯膝行不敢視富國強兵二十年築
怨興徭一作聲冤九千里秦王築城何太愚天實亡秦
非北胡一朝禍起蕭牆內渭水咸陽不復都

賦得明星玉女壇送廉察尉華陰

洪河之南曰秦鎮發地削成五千仞三峰離地皆
倚天唯獨中峰特修峻上有明星玉女祠祠壇高
眇路透迤三十六梯入河漢樵人往往見蛾眉蛾
眉嬋娟又宜笑一見樵人下靈廟仙車欲駕五雲
飛香扇斜開九華照含情遲佇惜韶年願侍君邊
復中旋江妃玉佩留為念羸女銀簫空自憐仙俗
途殊兩情遽感君無盡辭君去遙見明星是妾家
風飄雲散不知處故人家在西長安賣藥往來投

此山綵雲蕩漾不可見綠蘿蒙茸鳥綿蠻欲求玉
女長生法日夜燒香應自還

春女行

紫臺穹跨連綠波紅軒鈴匝垂織羅中有一人金
作面隔幌玲瓏遙可見忽聞黃鳥鳴且悲鏡邊含
笑着春衣羅袖嬋娟似無力行拾落花比容色落
花一度無再春人生作樂須及辰君不見楚王臺
上紅顏子今日皆成狐兔塵

古蛾眉怨

君不見宜春苑中九華殿飛閣連連直如髮白日
全含朱鳥牕流雲半入蒼龍闕宮中綵女夜無事
學鳳吹簫弄清越珠簾北卷待涼風繡戶南開向
明月忽聞天子憶蛾眉寶鳳銜花撲兩螭傳聲走
馬開金屋夾路鳴環上玉墀長樂彤庭宴華寢三
千美人曳花一作光錦燈前含笑更羅衣帳裏承恩
薦瑤枕不意君心半路迴求仙別作望仙臺琳琅
一作倉禁闥遙相憶紫翠巖房晝不開欲向人間種
桃實先從海底覓蓬萊蓬萊可求不可上孤舟縹

緲知何往黃金作盤銅作莖青天白露掌中擎王
母嫣然感君意雲車羽旆欲相迎飛廉觀前空怨
慕少君何事一作辜須相誤一朝埋沒茂陵田賤妾
蛾眉不重顧宮車晚出向南山仙衛逶迤去不還
朝晡泣對麒麟樹樹下蒼苔日漸斑人生百年夜
將半對酒長歌莫長歎情一作拚知白日不可私一作
期一死一生何足筭

子夜春歌

春氣滿林香春遊不可忘落花吹欲盡垂柳折還

長桑女淮南曲金鞍塞北裝行行小垂手日暮渭
川陽

奉和聖製同二相已下羣官樂遊園宴

未極人心暢何如帝道明仍嫌酺宴促復寵樂遊
行陸海披珍藏天河直斗城四關青靄合數處白
雲生飪一作鼎餽調元氣歌鐘溢雅聲空慚堯舜日

一作力至德杏一作卷難名

奉和聖製送張說上集賢學士賜宴得筵

東堂起集賢貴得從神仙首命台階老將崇御府

詩經 卷之五十六 五
員送人鏘玉佩中使拂瓊筵和樂薰風解湛恩時
雨連長材成磊落短翮強翮翹徒仰蓬萊地一作峻
何階不讓緣

奉和聖製送張尚書巡邊

紫綬一作鑿

一作

尚書印朱軒丞相車登朝身許國出關

將辭家不憚炎蒸苦親嘗走集賒選徒軍有政一作

今誓卒爾無譁帝樂風初起王城日半斜寵行流

聖作寅餞照台華騎歷河南樹旌搖塞北沙榮懷
應盡服嚴殺已先加業峻靈祇保功成道路嗟寧

如鑿空使遠致石榴花

涼州詞二首

蒲萄美酒夜光杯欲飲琵琶馬上催醉卧沙場君
莫笑古來征戰幾人回

秦中花鳥已應闌塞外風沙猶自寒夜聽胡笳折
楊柳教人意氣憶長安

春日思歸

楊柳青青杏發花年光誤客轉思家不知湖上菱
歌女幾箇春舟在若耶

觀蠻童爲伎之作

長裙錦帶還留客廣額青娥亦效颦共惜不成金
谷妓虛令看殺玉車人

許景先

文苑傳云義興人後徙洛陽舉進士神龍初拜左拾遺開元初轉中書舍人掌

知制誥張說嘗稱曰許舍人之文雖無峻峰激流漸絕之勢然屬辭豐美得中和之氣亦

一時之秀後歷號岐二州入拜吏部侍郎卒

徵君宅

今祇洹寺是

徵君昔嘉遯抗跡遺俗塵了心悟有物乘化遊
無垠道喪歷千載復存潁陽真上虞佳山水晚

歲耽隱淪內史既解綬支公亦相親儒道匪遠理
意勝聊自欣洞沿南谿夕流浪東山春石壁踐丹
景金潭冒綠蘋探鍊備海嶠賞心寓情人柰何靈
仙骨鍛一作斂翮瑤池津寥寥虛白宇夙荆招提因
家風緬多尚玄德謝無鄰謬陪金門彥矯跡侍紫
宸皇恩竟已矣遺烈庶不泯

折柳篇

春色東來度渭

一作灞

橋青門垂柳百千條長楊西

連建章路漢家林苑紛無數紫花始遍合歡枝

一作

宮遊綵半霄相思樹春樓初日照南隅柔條垂綠
掃金鋪寶釵新梳倭墮髻錦帶交垂連理襦自憐
柳塞淹戎幕銀燭長啼愁夢着芳樹朝催玉管新
春風夜染羅衣薄城頭楊柳已如絲今年花落去
年時折芳遠寄相思曲爲惜容華難再持

奉和御製春臺望

睿德在青陽高居視中縣秦城連鳳關漢寢疏龍
殿文物照光輝郊畿鬱葱蒨千門望成錦八水明
如練複道曉光披宸遊出禁移瑞氣朝浮五雲閣

祥光夜吐萬年枝蘭葉負龜初薦祉桐花集鳳更
來儀秦漢生人凋力役阿房甘泉構雲碧汾祠雍
時望通天玉堂宣室坐長年鼓鐘西接咸陽觀苑
囿南通鄆杜田明主卑宮誠前失輔德欽賢政惟
一昆蟲不夭在春蒐稼穡常艱重農術邦家已荷
聖謨新猶聞儉陋惜中人豫奉北辰齊七政長歌
東武林千春

陽春怨

紅樹曉鶯啼春風煖翠閨雕籠薰繡被珠履踏金

隄芍藥花如吐菖蒲葉正齊
藁砧當此日行役向
遼西

奉和聖製送張尚書巡邊

文武承邦式風雲感國禎
王師親賦政廟畧久論

兵漢主知三傑周官統
一作總六卿四方分闡受千

里坐謀成介冑辭前殿
壺觴宿左營賞延頒賜重

宸贈出車榮龍武二軍
氣魚鈴五校名郊雲駐旌

羽邊吹引金鉦訓
一作振旅方稱德安人更克貞佇

看銘石罷同聽凱歌聲

韓休

本傳云長安人早有詞學初應制舉授桃
林丞歷遷至禮部侍郎知制誥拜黃門侍
郎知政事後遷太子少保封宜陽縣子卒諡
文忠○張說評云韓休之文如大羹旨酒雅
有典則而薄於滋味

奉和御製平胡

南牧正紛紛長河起塞氛
玉兵徵選士金鉞拜將

軍疊鼓搖邊吹連旌暗朔
雲祆星乘夜落害一作吉

氣入朝分始見幽烽警俄
看烈火焚功成奏凱樂

戰罷策歸勲盛德陳清廟
神謨屬大君叨榮逢偃

羽率舞詠時文

詩紀

初唐卷之五十六

九

奉和聖製送張說巡邊

一德先台象三軍掌夏卿來威申廟畧出總叶師
貞受鉞辭金殿憑軒去鼎城曙光搖組甲踈吹繞
雲旌左律方先凱中輦卽訓兵定功彰武事陳頌
紀天聲祖宴初留賞宸章更寵行車徒零雨送林
野夕陰生路極河流遠川長朔氣平南轅遲返旆
歸奏謁承明

蔡孚

紀事云徐鼎
胡浩同時人

打毬篇

并序

臣謹按打毬者往之蹴鞠古戲也黃帝所作兵
勢以練武士知有材也竊美其事謹奏打毬篇
一章凡七言九韻

德陽宮北苑東頭雲作高臺月作樓金鎚玉鑿

一作

鑿千金地寶杖瑠文七寶毬竇融一家三尚主梁

冀頻封萬戶侯容色由來荷恩顧意氣平生事俠
遊共道用兵如斷蔗俱能走馬入長楸紅鬣錦鬣
風駮驥黃絡青絲電紫騮奔星亂下花場裏初月
飛來畫杖頭自有長鳴須決勝能馳迅足滿先籌

薄暮漢宮愉樂罷還歸堯室曉垂旒

奉和聖製龍池篇

帝宅王家大道邊神馬潛龍湧聖泉昔日昔時經
此地看來看去漸成川歌臺舞榭宜正月柳岍梅
洲勝往年莫疑波上春雲少祗爲龍飛直上天

徐晶

紀事云胡皓蔡孚同時人國秀集云魯郡錄事

阮公體

秦王按劍怒發卒戍龍沙雄圖尚未畢海內已紛
拏黃塵暗天起白日斂精華唯見長城外僵屍如

亂麻

同蔡孚五亭詠

章奏中京一作丹墀罷雲泉別業歸拂琴鋪野席牽柳
挂朝衣翡翠巢書幌鴛鴦立釣磯幽栖可憐處春
事滿林扉

蔡起居山亭

文史歸休日棲閑卧草亭薔薇一架紫石竹數重
青垂露和仙藥燒香誦道經莫將山水弄持與世
人聽

送友人尉蜀中

故友漢中尉請為西蜀吟人家多種橘風土愛彈
琴水向昆明濶山連一作通大夏深理閑無別事時
寄一登臨

贈溫駙馬汝陽王

疇昔承餘論文章幸濫推夜陪銀漢賞朝奉桂山
詞梁邸調歌日秦樓按舞時登高頻作賦體物屢
為詩連騎長楸下浮觴曲水湄北堂留上客南陌
送佳期憶昨陪臨汎于今阻宴私再看冬雪滿三

見夏花滋都尉朝青閣淮王侍紫墀寧知倦遊者
華髮老京師

胡皓 紀事云張孝嵩出塞皓與張九齡等所撰送行詩號朝英集

和宋之問寒食題臨江驛

聞道山陰會仍為火忌辰途中甘棄日江上苦傷
春流水翻催淚寒灰更伴人丹心終不改白髮為
誰新

出峽

巴東三峽盡曠望九江開楚塞雲中出荆門水上

詩紀 初唐卷之五十六
來魚龍潛嘯雨鳧鴈動成雷南國秋風晚客思幾
悠哉

同蔡孚起居詠鸚鵡

鸚鵡殊姿致鸞凰得比肩常循金殿裏每話玉階
前賈誼才方達楊雄老未遷能言既有地何惜爲
聞天

奉和聖製同二相以下羣官樂遊園宴

五醔終宴集三錫又歡娛仙阜崇高異神州眺覽
殊南山臨皓雪北闕對明珠廣座鵷鴻滿昌庭駟

馬趨綺羅含草樹一作木絲竹吐郊衢銜杯不能罷
歌舞樂唐虞

奉和聖製送張尚書巡邊

燕公爲漢將武德奉文思利用經戎莽英圖叶聖
詒塞沙制長策窮石捲搖旗萬里要相賀三邊又
在茲稜威方逐逐談笑坐怡怡寵餞紛郊道充厨
竭御司嘗醪企行邁聽樂罷漣洏交旒垂翰墨纓
綈迭賦詩金山無積阻玉樹有華滋請迨炎風暮
歸旌候此時

李暉

本傳云清河王孝節孫少孤事母甚謹睿宗時累轉衛尉少卿開元中拜工部尚書充使入吐蕃還轉兵部尚書封武都縣男為太子少傅卒

奉和聖製送張說上集賢學士賜宴

賦得催字

偃武堯風接崇文漢道恢集賢更內殿清選自中
台佐命留侯業詞華博物才天厨千品降御酒百
壺催鵷鷺方成列神仙喜暫陪復欣同拜首叨此
頌良哉

李元紘

本傳云京兆人本姓丙氏高祖義旗入關元紘會祖粲率眾歸附賜姓李氏元紘性謹厚拜中書侍郎貴為國相家無儲積雖季文子之德何以加也卒謚文忠

綠墀怨

征馬噪金珂嫖姚向北河綠苔行跡少紅粉淚痕
多寶屋粘花絮銀箏覆網羅別君如昨日青海鴈
頻過

相思怨

望月思氛氲朱衾嬾更薰春生翡翠帳花點石榴
裙燕語時驚妾鶯啼轉憶君交河一萬里仍隔數
重雲

奉和聖製送張說上集賢學士賜宴

得私字

碩儒延鳳詔金馬被鴻私饌玉趨丹禁賤花降紫
墀銜恩傾旨酒鼓舞詠康時暫觀羣書緝逾昭盛
業不接筵欣有命擗管愧無詞自驚一何幸太陽
還及葵

韋述

本傳云京兆人篤志文學有書二千卷兒
童時記覽皆徧舉進士登第為櫟陽尉時
趙冬曦與述並兄弟六人詞學登科張說曰
趙韋昆季今之杞梓歷官集賢學士工部侍
郎封方城縣侯述在史職二十年累有修撰
蕭穎士以為譙周陳壽之流玄宗幸蜀述抱
國史藏於南山陷賊授
偽官賊平流滄州卒

晚渡伊水

悠悠涉伊水伊水清見石是時春向深兩岸草如
積迢遞望洲嶼逶迤亘津陌新樹落疎紅遙原上
深碧回瞻洛陽苑處有長山隔煙霧猶辨家風塵
已為客登陟多異趣往來見行役雲起早已昏鳥
飛日將夕光陰逝不借超然慕疇昔遠遊亦何為
歸來存竹帛

春日山莊

初歲開韶月田家喜載陽晚晴搖水態遲景蕩山
光浦淨漁舟遠花飛樵路香自然成野趣都使俗

情忘

廣陵送別宋員外佐越鄭舍人還京

朱紱臨秦望皇華赴洛橋文章南渡越書奏北歸
朝樹入江雲盡城銜海月遙秋風將客思川上晚
蕭蕭

奉和聖製送張說上集賢學士賜宴

得華字

修文中禁啟改字令名加台座徵人傑書坊應國
華賦詩開廣宴賜酒酌流霞雲散明金闕池開照
玉沙掖垣留宿鳥温樹落餘花謬此天光及銜恩

醉日斜

韋抗

京兆人安石從兄子舉明經景雲初為永昌令政令肅一遷御史臺中丞開元中官

至刑部尚書分掌吏部選事卒謚曰貞見韋安石傳

奉和聖製送張說上集賢學士賜宴

賦得西字

廣庭臨壁沼多士侍金闈英宰文儒協明君日月
齊集賢光首拜改殿發新題早夜初移律餘花尚
拂蹊壺觴接雲上經術引關西聖德鴻名遠將陪

玉檢泥

韋濟

嗣立子早以辭翰聞為醴泉令以簡易為政累轉太原尹製先德詩述祖父之行辭

詩紀

初唐卷之五十六

十六

致高雅後為尚書左丞出
為馮翊太守見韋思謙傳

王命張奉和聖製次瓊嶽應制

陸海披晴雪千旗獵早陽岳臨秦路險河遶漢垣
長行漏通鳩鵲離宮接建章都門信宿近歌舞從

周王

程行謚

與裴子餘同為鄆縣尉行謚以文法稱
子餘以儒顯長史陳崇業曰蘭菊異芬

胡可廢者行謚卒謚曰貞子餘卒謚曰孝
張說歎曰二謚可無愧見裴守貞傳

奉和聖製送張說上集賢學士賜宴

賦得
迴字

聖主崇文化鏘鏘得盛才相因歸夢立殿以集賢

開象繫微言闡詩書至道該堯樽承帝澤禹膳自
天來禮洽歡逾長風恬暑更迴國朝將舜頌同是
一康哉

初唐第五十六

天末... 風... 國... 同... 具

初唐第五十七

唐詩紀五十七

鄆郡吳瑄彙編

江都陸弼同校

賀知章

新唐書云字季真越州永興人證聖初擢進士累遷太常博士開元初遷禮部

侍郎兼集賢院學士後授秘書監晚節誕放自號四明狂客及秘書外監天寶初病夢遊帝居數日寤乃請為道士以宅為千秋觀求周宮湖數頃為放生池有詔賜鏡湖剡川一曲擢其子僧子為會稽郡司馬賜緋魚使侍養年八十六卒

曉發

江臯聞曙鐘輕棹理還舸海潮夜約約川露晨溶

